

Жобирнинг валима дастурхони



17:11 / 16.01.2018 4973

Расулуллоҳнинг шафоати барча умматлариға етишига ишора қилувчи кўриниш

Сайидимиз Жобир розияллоҳу анҳу уйлариға бориб рўзғорида мавжуд егуликларни текшириб кўрди. Қараса, кичкина эчки боласи ва озгина арпа бор экан. У егуликлар кўпи билан олти-етти кишига етишини тушунди. Расулуллоҳ соллаллоҳу алайҳи васалламнинг олдилариға келиб, у кишининг қулоқлариға секин: «Мўъжазгина дастурхон ёзмоқчи эдик, агар ўзингиз бош бўлиб уч-тўртта ҳамроҳларингиз билан борсангиз, яхши бўларди, эй Аллоҳнинг Расули», – деди.

Катта қийинчиликлар давом этиб турган ўша пайтда саҳобаларнинг ҳаммалари ҳандақ қазишда иштирок этаётган эдилар.

Шундай вақтда қўлга киритилган егулик қанчалик оз бўлса ҳам, бошқаларни қўйиб, уч-тўрт киши тақсимлаб олиши адолатданмиди?

Албатта, йўқ. Кичкина улоқча кўринишидаги ўлжа ва озгина арпадан иборат таом келди. Ушбу ризқ ҳамманинг ўртасида тақсимланиши лозим. Шунинг учун Расулуллоҳ барча саҳобаларни чақирдилар. Жобир розияллоҳу анҳу таом озлиги учун “уч-тўртта ҳамроҳингиз билан боринг” деганини тушундилар.

Лекин у зот соллаллоҳу алайҳи васаллам бошқа асос билан иш қилдилар. Уни Жобир кўрмаган бўлиши мумкин, лекин Мустафо соллаллоҳу алайҳи васаллам кўриб тургандилар. Шунинг учун саҳобаларнинг ҳаммаларини олиб бордилар.

Расулуллоҳ: «Мен қозон-ўчоқ тепасида хизматчи бўлиб ўтираман», – деб туриб олдилар. Ваҳоланки, у зотнинг қорни бошқалардан кўра оч эди. Расулуллоҳ Жобирга овқат пиширишда фойдаланиладиган катта идиш олиб келишни буюрдилар. Унга нонни майдалаб тўғрадилар. Кейин гўшт ва шўрванинг устига ташладилар. Идишнинг устини ёпиб: «Уларга олиб бор», – дедилар. Расулуллоҳнинг ўzlари таомни ликопчаларга солиб у ер, бу ерда ўтирган саҳобаларга тарқатардилар. Ўzlари энг охирида едилар.

Расулуллоҳнинг саҳобаларга кўрсатганлариdek ўз болаларига меҳрибонлик кўрсата оладиган бирорта онани кўрганмисизлар?

Бу кўриниш бизларни хотиржам қиласидан нарсадир.

Бу Мустафо соллаллоҳу алайҳи васалламнинг шафоатлари қиёмат куни мутакаббирлардан бошқа барча умматларга етишига ишорадир.

Имом Бутийнинг «Фиқҳ ус-сийра» номли туркум дастурдан эркин таржима.

Тошкент шаҳар Эшонгузар жоме масжиди имом хатиби Абдуллоҳ Ғуломов.